





大清會典

卷之三十三

戶部

賦役三

考成上

戶部總理錢穀。爰立考成之法。奏銷則按期限為考核。完欠則照分數為勸懲。虧空則分別侵那。交盤則並嚴授受。處分起於初叅。案件銷於開復。科條詳密。備載於後。

凡奏銷定限。順治九年。覆准。直省銷算錢糧。逐款備造支解完欠清冊。戶部據以查核。近京各省。限二月底。遠省。限三月底到部。逾限者叅處。

○十年。覆准。各省銷算。歸布政司。直屬銷算。歸各府。每歲底彙造清冊。赴部投遞。○十一年。題准。州縣錢糧。按年分項備造清冊。送府銷算。府冊送司銷算。司冊送部銷算。各有專責。不得派費累民。違者督撫叅奏。○十二年。題准。奏銷本年錢糧報部定限。直隸。山東。山西。河南。陝西。限次年二月底。江南。浙江。江西。湖廣。限三月中。福建。四川。廣東。廣西。限三月底。○又覆准。州縣銷算錢糧冊案不清。布政司提究經承。不得擅提印官。離任曠職。○十六年。覆准。廣東。廣西。改限

五月底奏銷。○十八年。題准。貴州錢糧。限六月中造冊奏報。○康熙三年。題准。雲南奏銷錢糧。限六月中報部。○六年。覆准。直省錢糧。戶部不必另設磨勘司。責成各司。於奏銷時。詳加磨勘。按年送京畿道刷卷。其直省奏銷。量地遠近。原有定限。仍令隨到隨送隨刷。直隸因無布政司。州縣文書。徑自達部。嗣後事關錢糧。令巡撫咨題。州縣不得直申。○七年。題准。一應錢糧。皆係地丁所出。凡催題徵解。俱稱地丁錢糧。除鹽課。茶稅。關稅。蘆課。并漕糧。白糧。各倉米石等項。考

成既與地丁錢糧有異。仍令照舊。其土司進貢物料。折色本色物料。雜稅。當稅。稅契。牙稅。牛驢稅。贓罰。折贖等項。非地丁所出。亦仍舊各款開列。至文武官員師生空缺。及扣罰俸銀。隨時追取。學租。支給餘剩解部。亦應照舊開造。其餘一應地丁錢糧。歲底奏銷時。該撫將通省錢糧若干。起運若干。存留若干。撥過兵餉若干。辦買顏料若干。餘剩若干。詳明造冊具報。不必開列欸項。以便稽查。○又覆准。直省文冊起語。有奏銷錢糧。有司考成。申嚴兵餉考成。三案。俱係查核

地丁錢糧。以後止用奏銷某年錢糧查叅未完各官事字樣。○又議准。有司奏銷遲延舛錯。以致違限者。督撫題報時。將有司叅處。督撫免議。如督撫不行催趲。或屬員申報。不卽具題者。經部察出題叅。並將督撫處分。○十年。題准。督撫甫到新任。或署事接管。或公務出境。或文武科場。准與展限。以到任接任回署日扣算。○又題准。直省奏銷改限。直隸。山東。山西。河南。陝西。於四月底。江南。浙江。江西。湖廣。於五月中。福建。四川。廣東。廣西。雲南。貴州。於六月中到部。○又覆

准。順。永。保。河。四。府。屬。有。缺。額。多。者。地。丁。錢。糧。盡  
數。留。用。仍。有。不。敷。於。附。近。州。縣。撥。取。至。地。畝。圈  
退。無。常。錢。糧。增。減。不。一。令。守。道。查。明。撥。補。統。於  
歲。底。造。冊。奏。銷。○十。一。年。題。准。奏。銷。冊。直。省。守  
道。布。政。司。總。數。府。州。縣。細。數。俱。載。舊。管。新。收。開  
除。實。在。四。柱。以。憑。稽。核。○又。題。准。州。縣。奏。銷。冊  
開。解。支。之。數。由。單。列。徵。收。之。款。每。有。冊。單。總。散  
數。目。不。同。嗣。後。奏。銷。冊。務。與。由。單。相。符。至。實。徵  
原。額。起。存。完。欠。藩。司。總。數。務。與。州。縣。細。數。相。符。  
○十。二。年。覆。准。雲。南。地。丁。商。稅。等。銀。令。布。政。司

經。管。收。支。其。稅。糧。及。曲。靖。馬。廠。叛。產。租。穀。罪。囚  
口。糧。令。糧。儲。道。經。管。收。支。歲。底。彙。造。民。屯。地。丁  
冊。內。奏。銷。○二。十。二。年。題。准。凡。應。行。完。結。錢。糧。  
故。留。疑。竇。並。不。分。晰。混。行。造。冊。題。報。以。致。款。項  
不。符。者。府。州。縣。衛。所。官。降。一。級。調。用。轉。報。司。道  
都。司。罰。俸。一。年。督。撫。罰。俸。六。個。月。督。撫。查。叅。者。  
司。道。以。下。官。議。處。至。經。管。錢。糧。各。官。將。徵。收。起  
存。原。額。并。支。銷。總。散。數。目。詳。加。核。算。明。白。該。督  
撫。等。覆。加。磨。算。如。造。冊。內。數。目。舛。錯。遺。漏。者。府  
州。縣。衛。所。官。罰。俸。一。年。督。撫。及。轉。報。司。道。都。司。

各罰俸六個月。如督撫司道都司造冊舛錯遺漏者亦罰俸六個月。又奏銷錢糧冊結必須隨案送部。若司道都司府州縣衛所官將冊結遲延不送。違限一月者罰俸六個月。違限二月者罰俸九個月。違限三月者罰俸一年。違限四五月者降一級留任。違限六月以上者降二級調用。違限一年以上者革職。如已申送而督撫不卽送部。違限五月以下者照司道等官例處分。違限六月以上者降二級留任。違限一年以上者降三級調用。○二十五年議准各省不作分

數雜項錢糧通歸地丁案內奏銷。湖廣四川山西上年餘剩銀兩停其造入下年奏銷冊內。甘肅寧夏各道府地丁錢糧總歸一疏奏銷。陝西官役俸食等項并造入地丁冊內奏銷。官役贓罰侵欺那移侵盜變價贖緩逆本等項交刑部行追。歲底彙送戶部貯庫。○二十六年題准嗣後存留項下在本省支用并支剩者不作分數。在起運數內歲底造冊奏銷。○三十三年題准通廠草豆奏銷。當雜稅奏銷。供應

陵上米豆草奏銷。文武任罰俸奏銷。古北石匣二倉供

應廩給奏銷。供應官役過往銀兩奏銷。以上各案。向例另冊報部。今俱入地丁一疏奏銷。駐防奏銷。題報小建銀兩。題報四九兩月全完兵餉。題報截曠銀兩。以上各案。向係另冊報部。今俱入兵馬冊奏銷。○又題准。收過馬稅。入地丁奏銷。○三十七年。覆准。直屬買辦草豆。供應行糧。并驛站工料。車價。官役俸工。等項銀兩。俱係逐項咨部候撥。案牘繁多。將此一切錢糧。嗣後停其逐案咨撥。一面動用。一面將項款報部存案。統於歲底彙冊奏銷。○四十二年。題准。

二陵經費需用錢糧。停其逐案咨部撥給。照各省例。將咨用過各項錢糧。造入地丁奏銷冊內查核。○五十八年。覆准。四川支給廩生餼糧細數。嗣後造入該年奏銷冊內。報部查核。○六十一年十一月。

諭。財者。利用之源。古帝王足國裕民。務以省節為本。朕初即位。每恐府庫金錢。中飽於胥吏之侵蝕。以後凡戶部。工部。一應奏銷錢糧米石物價工料。必詳查核實。開造清冊具奏。毋得虛開浮估。倘有以少作多。以賤作貴。數目不符。核估不實者。事覺之

大清會典 卷三十一 三  
日。將堂司官從重治罪。

凡完欠勸懲。順治三年。覆准。司道府州縣官。徵收錢糧完欠分數。歲底報部查核。完十分者爲上等。完六分以上者爲中等。完五分以下者爲下等。按分數定其殿最。○七年。題准。督撫司督催錢糧。向有歲叅季叅截叅摘叅之例。但有司藉口荒欠。徵收不力。今令守巡兩道。該府與推官。併力督催。歲底以完欠分數造冊送司。轉報督撫。以完欠多寡。定各官殿最。并核道府廳之勤惰。○十年。覆准。經徵完欠。宜分任事久暫。凡

開報經管官職名。必註明到任離任月日。不得前後挪移。○十二年。覆准。帶徵錢糧各官。次年五月全完者。優陞。○十六年。議准。衛所歸并附近州縣。編入民籍。每歲分晰地丁原額。荒亡實徵。并完欠數目。造入州縣冊尾。與民糧總核考成。○十八年。覆准。帶徵節年錢糧大小各官。依限二年內全完者。不論俸滿卽陞。若經徵錢糧未完者。不准。○康熙二年。覆准。除漕糧。白糧。各倉米石。鹽課。蘆課。顏料等項。不併入地丁錢糧外。其各部寺。一應起解錢糧。總作十分考成。○



又題准。官員催徵各項錢糧。本年內全完者。紀錄一次。接連三年全完者。加一級。○又題准。起解錢糧。撥本省兵餉。無腳價之費。照起解例。附入正項內。總作十分考成。如撥遠省兵餉。及解京者。仍給腳價。不入考成。○四年。題准。經徵督催文武大小各官。除一年內二三員接徵全完。并署任不久者。不議敘外。凡經徵州縣官。一應起運錢糧。五萬兩以下。一年內全完者。紀錄一次。五萬兩以上。十萬兩以下。一年內全完者。紀錄二次。十萬兩以上。一年內全完者。紀錄三次。

督催知府直隸知州及經管錢糧道員。十萬兩以下。一年內全完者。紀錄一次。十萬兩以上。二十萬兩以下。一年內全完者。紀錄二次。二十萬兩以上。一年內全完者。紀錄三次。督催巡撫布政司。五十萬兩以下。一年內全完者。紀錄一次。五十萬兩以上。一百萬兩以下。一年內全完者。紀錄二次。一百萬兩以上。一年內全完者。加職一級。經徵守備千總。一應起運錢糧。一千兩以下。一年內全完者。紀錄一次。一千兩以上。三千兩以下。一年內全完者。紀錄二次。三千兩以上。

一年內全完者。紀錄三次。督催都司。五千兩以下。一年內全完者。紀錄一次。五千兩以上。一萬兩以下。一年內全完者。紀錄二次。一萬兩以上。一年內全完者。紀錄三次。各官如止完地丁錢糧。而本色顏料。及起運雜項未完者。不准議敘。或將未完錢糧捏報全完。或一年內二三員接徵全完。捏報一人徵完者。州縣衛所官。革職。司道府都司。各降二級調用。巡撫降一級調用。如州縣等官。申報未完。司道府都司。作完申報者。司道府都司。革職。州縣等官免議。如司道府都

司。申報未完。巡撫作完題報者。巡撫革職。司道府等官免議。○又覆准。同知內。有專責督催糧米全完。照知府例議敘。每糧一石。准銀一兩計算。○五年。覆准。帶徵節年錢糧。原限二年全完。州縣官。帶徵一萬兩以上全完者。紀錄一次。二萬兩以上全完者。不論俸滿卽陞。道府直隸知州。帶徵二萬兩以上全完者。紀錄一次。四萬兩以上全完者。紀錄二次。六萬兩以上全完者。不論俸滿卽陞。撫司。帶徵十萬兩以上全完者。紀錄一次。二十萬兩以上全完者。紀錄二次。三十

萬兩以上全完者。不論俸滿卽陞。各官如經徵錢糧不完者。仍不准議敘。○六年。題准。通判內有督催衛所錢糧全完者。照知府例議敘。經歷內有經徵衛所錢糧全完者。照州縣例議敘。○九年。覆准。州縣經徵錢糧。須察其有無敲扑過嚴。以致流亡。督撫於歲底奏銷冊註明有無累民字樣。取具不扶甘結報部。方准議敘。○又題准。停止督撫錢糧全完加級紀錄之例。○十年。覆准。署印官任事日久。一年內經徵錢糧全完者。亦照例議敘。○二十三年。覆准。經徵帶徵錢

糧。該督撫題叅違限月日未完分數各官職名。戶部停其具題。卽咨吏兵二部議奏。○又

諭。錢糧處分經徵等官事宜。令十五日彙題一次。○二

十六年。題准。存留支剩銀兩。有未完者。照雜項錢糧例處分。○又題准。裁扣充餉銀兩。俱歸併起運內。總作分數考成。○三十年。議准。順永保河等處撥補地畝租銀。代徵之官。照催徵錢糧考成之例。酌量輕減。亦作十分。經徵催徵州縣衛所官員。所欠不及一分者。停陞督催。欠一分者。罰俸三個月。欠二分者。罰俸六個月。欠三分

大清會典 卷三十三 十一  
者。罰俸一年。欠四分者。降俸一級。欠五分者。降俸二級。欠六分者。降職一級。欠七分者。降職二級。欠八分者。降職三級。欠九分者。降職四級。以上俱令帶罪督催。停其陞轉。完日開復。欠十分者。革職。守道。道府。所欠不及一分者。免議。欠一分者。罰俸兩個月。欠二分者。罰俸三個月。欠三分者。罰俸六個月。欠四分者。罰俸一年。欠五分者。降俸一級。欠六分者。降俸二級。欠七分者。降職一級。欠八分者。降職二級。欠九分者。降職三級。欠十分者。降職四級。以上俱令帶罪督催。停

其陞轉。完日開復。巡撫。所欠不及一分者。免議。欠一分二分者。罰俸兩個月。欠三分者。罰俸三個月。欠四分者。罰俸六個月。欠五分者。罰俸一年。欠六分者。降俸一級。欠七分者。降俸二級。欠八分者。降職一級。欠九分以上者。降職二級。以上俱令帶罪督催。停其陞轉。完日開復。署印官。在任不久。其所欠不及一分者。免議。欠一分二分者。罰俸兩個月。欠三分四分者。罰俸三個月。欠五分六分者。罰俸六個月。欠七分八分者。罰俸九個月。欠九分者。罰俸一年。欠十分者。降一

級調用。署印不及一月者。亦免議。此項銀兩。州縣衛所官員。令一年內全完。如原欠不及一分。一年內不全完者。罰俸九個月。欠一分二分。一年內不全完者。降二級調用。欠三分四分。一年內不全完者。降三級調用。欠五分六分。一年內不全完者。降四級調用。欠七分八分。一年內不全完者。降五級調用。欠九分十分。一年內不全完者。革職。巡撫限二年全完。守道道府限年半全完。如原欠不及一分。限年內不全完者。罰俸六個月。欠一分二分。限年內不全完者。降一級

調用。欠三分四分。限年內不全完者。降二級調用。欠五分六分。限年內不全完者。降三級留任。欠七分八分。限年內不全完者。降四級留任。欠九分十分。限年內不全完者。降五級留任。其接徵接催官員。俱以到任之日爲始。將接徵州縣衛所官員。亦限一年接催。守道道府限年半接催。巡撫限二年接催。如不全完者。題叅之日。仍照初叅之例處分。其代徵租銀。關移本處給發民人。如不給發民人。照侵蝕處分。至原州縣衛所。不關文代徵州縣衛所。催徵及不申報上司。

拖欠租銀。將原州縣衛所官員歸入正項錢糧處分內處分。如已申報并關催免議。○三十一年。覆准山西太榆等四州縣撥補陽邑圈屯田地。州縣催徵照直隸考成。○四十三年。

諭。朕念西土兵民生計。乘冬令農隙之時。特事西巡。返轡京師。道由豫省。自入潼關。見闕鄉以及河南府。民生甚艱。而懷慶稍裕。至衛輝府。則又艱苦。賴薄有秋成。尚能餬口。倘遇歉歲。必至流亡。皆大小官吏互相容隱。雖有衰老病廢。懶惰退諉之員。仍使在任。以致貽誤地方。河南百姓質朴愚魯。輸賦從未稽遲。而今

歲所欠。乃至四十萬兩。顯屬有司聞朕蠲除秦晉積欠錢糧。希冀恩免。而於中漁利。現今民欠甚多。著將河南通省官俸役食。補足所欠之數。如有不完。停其陞轉。俟完日開復。○四十四年。

諭。州縣官員。將倉庫錢糧米石虧空者甚多。嗣後歲底盤察時。將倉庫錢糧米石。毫無虧空。更有贏餘者。著議敘紀錄加級。則官員各知鼓舞。錢糧不致虧空。大學士會同九卿詹事科道議奏。遵

旨議定。嗣後凡州縣官倉庫錢糧米石。歲底盤察。贏餘銀一百兩者。紀錄一次。贏餘銀二百兩者。紀錄

大清會典 卷三十三 戶部十一  
二次。贏餘銀三百兩者。紀錄三次。贏餘銀四百兩者。加一級。米石贏餘者。每米一百石。作銀一百兩。照數紀錄加級。其銀米之數更多者。按贏餘數議敘。○四十六年。覆准。江蘇賦繁。州縣錢糧。三載全完。內雖有奉蠲之年。仍准卽陞。○雍正二年。

諭。貴州通省地丁錢糧。不足十萬兩。若照成例行。止有經徵各官。得邀議敘。督催各官。雖極爲効力。終不得議敘。其督催各官。或照十萬兩以下一年內全完。准行議敘。定例議敘。或二三年錢糧督催全

完。再行議敘之處。戶部會同吏部。定例議奏。遵

旨議定。嗣後各省督催知府。直隸知州。將應徵錢糧。果能歲內全完。俱照十萬兩以下之例。准其紀錄一次。○三年。覆准。江南太倉等三十七州縣。所有舊欠。勻作十分。自雍正四年起。至雍正乙卯年。勻十分徵完。嘉定縣舊欠。勻作十五分。自四年起。至庚申年徵完。崑山。常熟。吳江。長華。上婁。宜武。九縣。勻作十二分。自四年起。至丁巳年徵完。各州縣地丁米石。除應撥兵米不在分徵外。其屯衛錢糧倉漕銀米。亦同一例分徵。於每歲奏銷

時另冊造報。其有不按分數追完者。降職二級。仍令同次年分數銀兩。帶罪并徵。分數全完。准其開復。如仍不完。卽降二級調用。如有能徵過舊欠一分以上者。承追官准其紀錄一次。二分以上者。准加一級。三分以上者。照督催帶徵全完六萬兩以上之例。不論俸滿卽陞。其所餘銀兩。留作以下該年完數。○五年。覆准。嗣後浙省南。秋。等米。每年額徵。共作十分核算。該撫另爲一本題銷。如各屬完解不全。將已未完數目。分晰造冊。送部查核。戶部會同吏部。將承督未完

各官。均照漕白糧定例。初叅州縣官。欠一分以上者。罰俸六個月。欠二分以上者。住俸。三分以上者。降二級。四分以上者。降三級。五分以上者。革職。俱令帶罪催徵。完日奏請開復。其叅後違限不完者。加倍議處。應罰俸六個月。住俸。應住俸者。降二級。應降二級者。降四級。應降三級者。革職。帶罪催徵。完日奏請開復。應革職帶罪者。實降二級調用。其督催之藩司。知府。亦照漕白糧例內之糧道。知府。定例議處。毋庸彙入地丁項下造報。再。地丁。巡撫原有督催之責。今



漕糧例內。無巡撫處分。應仍照地丁之例。令其督催。所有雍正五年以前舊欠。令該撫查明某屬某年挂欠某項米石若干。造具清冊。送部備查。仍分案扣限。嚴飭各屬隨徵隨解。將原欠歷年各案南米。徹底清完。依限分年。造具完欠細冊報部查議。如一年之內。州縣官能將舊欠南米一千石以上徵解全完者。免其處分。准予紀錄一次。原欠二千石以上徵解全完者。紀錄二次。如不完。不及一千石者。罰俸三個月。一千石以上者。罰俸六個月。二千石以上者。罰俸一年。

其督催之藩司。知府。每案各罰俸三個月。又一年限滿無完。不及一千石者。州縣官。罰俸六個月。一千石以上者。罰俸一年。二千石以上者。降一級。帶罪催徵。司。府。每案各罰俸六個月。又一年限滿無完。不及一千石。州縣官。罰俸一年。一千石以上者。降一級。二千石以上。降二級。俱令帶罪督催。全完開復。司。府。每案各罰俸九個月。仍令督催。如三叅之後。仍不全完。州縣官。每案降一級調用。司。府。仍照前罰俸。如有錢糧加級紀錄。方准抵銷。別項紀錄。不准抵免。其接任官。

則照本案初叅二叅三叅例議處。署事官照離任官例。罰俸一年。其現年額徵。并徵補還項。既另立處分。將歲底催徵遲延之處。停其揭叅。凡地丁錢糧初叅。順治七年。題准。凡催徵錢糧州縣官。欠一二分者。罰俸三個月。欠三四分者。降俸二級。欠五六分者。降職二級。俱帶罪督催。停其陞轉。完日開復。欠七八分者。降二級。欠九分者。降三級。俱調用。欠十分者。革職。知府直隸知州。以合屬之完欠爲完欠。欠三四分者。罰俸三個月。欠五六分者。住俸。欠七八分者。降職一

級。欠九分十分者。降職二級。俱帶罪督催。布政司。以通省之完欠爲完欠。欠五六分者。罰俸六個月。欠七八分者。住俸。欠九分十分者。降俸一級。帶罪督催。至署印接管官。未完錢糧。查月日多者。罰俸一年。少者。罰俸六個月。○十年。題准。州縣官。欠一二分者。住俸。欠三分者。降俸一級。欠四分者。降俸二級。欠五分者。降職一級。欠六分者。降職二級。俱帶罪督催。欠七分者。降職一級。欠八分者。降職二級。俱調用。欠九分十分者。革職。○十二年。題准。布政司。知府。直隸知州。通

計督催所屬錢糧。欠一分者。罰俸六個月。照常  
 陞轉。欠二分以下者。照州縣一體叅罰。○又覆  
 准。州縣官欠一分者。降俸一級。欠二分者。降俸  
 二級。欠三分者。降職一級。欠四分者。降職二級。  
 欠五分者。降職三級。俱帶罪督催。欠六分者。降  
 職一級。欠七分者。降職二級。俱調用。欠八分以  
 上者。俱革職。司府直隸知州。亦照此例叅罰。巡  
 撫有兼理糧餉之責。欠一分者。罰俸三個月。欠  
 二分者。罰俸六個月。欠三分者。住俸。欠四分者。  
 降俸一級。欠五分者。降俸二級。欠六分以上者。

降職二級。俱帶罪督催。○十三年。題准。署印州  
 縣衛所官。除未及一月者免議外。署印一月以  
 外。欠一二分者。罰俸三個月。欠三四分者。罰俸  
 六個月。欠五六分者。罰俸九個月。欠七八分者。  
 罰俸一年。欠九分十分者。降一級調用。凡前後  
 掌印署印接管官。照任事月日。每官各作十分  
 計算。○又覆准。總督有督理糧餉之責。未完二  
 分以上。罰俸一個月。三分以上。罰俸兩個月。四  
 分以上。罰俸三個月。五分以上。罰俸四個月。六  
 分以上。罰俸五個月。俱照常陞轉。○十四年。覆

准更定考成法。經徵州縣衛所官。欠一分者。罰俸六個月。欠二分者。罰俸一年。欠三分者。降俸一級。欠四分者。降俸二級。欠五分者。降職一級。欠六分者。降職二級。俱停陞督催。欠七分者。降職一級。欠八分者。降職二級。俱調用。欠九分十分者。革職。布政司知府直隸知州都司等官。欠一分者。罰俸三個月。欠二分者。罰俸六個月。俱照常陞轉。欠三分者。罰俸一年。欠四分者。降俸一級。欠五分者。降俸二級。欠六分者。降職一級。欠七分者。降職二級。俱停陞督催。欠八分者。降

職一級。欠九分者。降職二級。俱調用。欠十分者。革職。司府直隸州署印接管官。照十三年署印州縣官例。巡撫欠一二分者。罰俸三個月。欠三分者。罰俸六個月。俱照常陞轉。欠四分者。罰俸一年。欠五分者。降俸一級。欠六分者。降俸二級。欠七分者。降職一級。欠八分以上者。降職二級。亦俱停陞督催。○又題准州縣衛所官。欠七分者。降職三級。欠八分者。降職四級。俱停陞督催。司府直隸州都司。欠八分者。降職三級。欠九分者。降職四級。俱停陞督催。餘仍照舊例行。○十

七年題准帶徵錢糧欠九分十分者革職仍帶  
 罪督催。○康熙二年題准地丁錢糧經徵州縣  
 官欠不及一分者停其陞轉罰俸一年欠一分  
 者降職一級欠二分者降職二級欠三分者降  
 職三級欠四分者降職四級俱帶罪徵收欠五  
 分以上者革職布政司經管錢糧道員道員向  
有考成  
後經議停至知府直隸知州欠不及一分者停  
是年始增其陞轉罰俸半年欠一分者罰俸一年欠二分  
 者降職一級欠三分者降職二級欠四分者降  
 職三級欠五分者降職四級俱帶罪督催欠六

分以上者革職巡撫欠不及一分者停其陞轉  
 罰俸三個月欠一分者罰俸一年欠二分者降  
 俸二級欠三分者降職一級欠四分者降職二  
 級欠五分者降職三級欠六分者降職四級俱  
 帶罪督催欠七分以上者革職其現年內接管  
 經徵督催官或一官或數官經管不必各作十  
 分總以本年額賦作十分計算照經徵督催官  
 例處分凡署印官欠不及一分者罰俸三個月  
 欠一分者罰俸六個月欠二分者罰俸九個月  
 欠三分者罰俸一年欠四五分者降一級調用

大清會典 卷三十三  
三十  
欠六七分者。降二級調用。欠八分以上者。革職。署印不及一月者。免議。其衛所錢糧。總作十分考成。經徵守備千總督催屯道都司。俱照經徵州縣督催司府例議處。○七年。題准。各官錢糧處分。例不抵銷。巡撫加級紀錄。准其抵銷。○二十九年。

諭。廣西四川貴州。皆極遠邊地。官員以錢糧未完降調。新補之官。到任稽遲。轉易之間。恐生弊端。嗣後此三省官員。有此等降調之事。該部奏請定奪。○四十一年。覆准。署印官經徵錢糧。如有欠至三分以上

者。卽降一級調用。其經催經徵官員。初叅未完一分以上者。年限內果能催完。至八九釐。降三級。免其調用。留任再限一年督催。如不全完。仍降三級調用。

凡地丁錢糧限滿續叅。順治十八年。定。經管錢糧大小各官。凡有拖欠叅罰。俱停陞轉。俟完解無欠。方許開復。○又覆准。州縣衛所。經徵接徵官。限一年內全完。布政司管錢糧道員。知府直隸知州都司。限一年半全完。原欠七分。以上限內不完者。俱革職。原欠五六分。限內不完者。降

五級調用。原欠三四分。限內不完者。降四級調用。原欠一二分。限內不完者。降三級調用。巡撫限二年內全完。原欠九分十分。限內不完者。革職。原欠七八分。限內不完者。降五級調用。原欠五六分。限內不完者。降四級調用。原欠三四分。限內不完者。降三級調用。原欠一二分。限內不完者。降二級調用。其節年拖欠錢糧帶徵大小各官。限二年內全完。如限內不完者。遵新例照各職分處分。○康熙二年。題准。凡叅後催徵地丁錢糧。限年內不完。不復作分數。照原叅分數

處分。州縣官。原欠不及一分。一年限內不完者。降一級調用。原欠一分。限內不完者。降三級調用。原欠二分。限內不完者。降四級調用。原欠三分。限內不完者。降五級調用。原欠四分以上。限內不完者。革職。撫司道府直隸州。仍照舊例議處。凡限內錢糧接徵。接催之官。俱接前任官。總作十分題叅。至巡撫等官。催徵限滿逾期。將自欠暨屬員分數。不行題叅。察出。照原叅分數。加等治罪。又各官如遇陞轉。本任新年未經銷算錢糧。扣定分內月日分數。全完後。方許赴新任。

若本任內未完。卽赴新任者。革職。巡撫將屬員有任內未完錢糧。卽准赴新任者。降二級調用。○四年。題准。凡錢糧未完各官。如遇

恩赦。該撫確查赦前月日扣除。以赦後月日算起。限年追完。至限滿續叅時。註明赦前赦後分數具題。如年限內將原叅赦前所欠分數已經全完。止照赦後未完分數議處。如年限內將原叅赦前所欠分數未經全完。仍合赦前赦後分數。一并議處。如原叅分數。俱在赦前年限內。未經全完。仍照初叅分數。以初次例議處。○六年。題准。

限滿未完各官。限內又遇有

恩赦者。扣除赦前月日。止以赦後計算年限查叅。○又題准。直隸知州。督催各縣錢糧。叅後未完。照一年半例議處。經徵本州錢糧。叅後未完。仍照一年例議處。○八年。題准。接徵。接催。官。蒞任未久者。不必照前官原限分數處分。俱以到任日爲始。限半年徵完。如限內不完。照初次分數議處。○九年。覆准。限年錢糧。接徵。接催。俱不必另作分數。止照前官所遺分數內。續完幾分。卽與扣算。若本年係一官經管。而年限內有二三員



接管者。止於前官未完分數內。按接管月日分算。若本年係二三員經管。而年限內止一官接管者。彙算二三員未完分數內。除續完分數題叅。○十二年。覆准。巡撫。布政司。年限錢糧。原欠不及一分者。初次限內不完。降一級。二次限內不完。降二級。俱帶罪督催。三次限滿不完。降三級。調用。原欠一分以上。俱照州縣例處分。其督催都司。限一年半。衛所官。限一年。初次限內未完不及一分。各罰俸一年。停其陞轉。二次限內不完。各降一級。帶罪督催。三次限內不完。各降

一級調用。○十三年。題准。州縣官原欠不及一分。初限內不完。降一級留任。再限一年催徵。如又不完。降一級調用。○十四年。題准。年限錢糧未完。道府直隸州官。同係督催。應與布政司一體處分。至接徵。接催官。半年期限太迫。將接徵州縣衛所官。亦限一年。接催司道府直隸州都司。限一年半。接催巡撫。限二年。如限滿不完。仍照初叅例處分。○十七年。題准。署印官一年外徵收錢糧未完。亦照州縣官例處分。○三十四年。覆准。凡有分數錢糧。俱將接徵接催官員。已

大清會典 卷三十三 戶部十一

完分數扣除。照現在未完分數處分。○四十四年。議准。蘇。松。常。鎮。四府屬。賦稅繁重。州縣官員。本任經徵。每年地丁漕項錢糧。如於奏銷時完。至九分以上者。其接徵未完舊欠錢糧。於年限。復參。降級調用之例。改爲降級留任。再限一年。催徵。如仍不完。照伊所降之級調用。其四府督。催各官。亦照此例議處。○四十五年。題准。蘇。松。常。鎮。四府屬。經徵錢糧。限滿未完。革職官員。令其革職留任。○四十七年。覆准。經催。經徵。官員。初參未完一分以上者。限內催完八九釐。照未

完不及一分之例。降級留任。○雍正四年。覆准。江西各州縣。除本任經徵錢糧。照定例議處外。其接徵未完民欠。分別限數。每年完一限。欠五千兩之州縣。分爲二限。一萬兩以內之州縣。分爲三限。二萬兩以內之州縣。分爲四限。三萬兩以內之州縣。分爲五限。四萬兩以外之州縣。分爲六限。六萬兩以外之州縣。分爲七限。自雍正三年起。每年照各定限催追。奏銷時。依限全完者。免其參處。若初限不完者。降職一級。二限內兩限全完者。准其開復。若止完二限。不并完初

限者。仍帶所降之職徵收。或完初限。不完二限者。仍照初叅例降職一級。若初限不完。二限又不完者。照定例降三級調用。以後三限至七限。通計有兩限不完者。俱降三級調用。一限不完者。降一級徵收。如接徵之員。除本任無欠外。接徵舊欠。一年內能完兩限者。紀錄一次。能完三限者。紀錄二次。能完三限以上者。不論俸滿卽陞。至督催之巡撫以下。直隸州以上。所屬各州縣。接徵錢糧。合計通作十分。巡撫以二分五釐爲一限。分爲四限。布政司。知府。直隸州。以二分爲一限。分爲五限。依限完足者。免其叅處。不完者。按限議處。

凡離任處分。順治七年。題准。催徵未完各官。除革職已故免議外。其陞遷者。於新任內。丁憂者。於起復日。降調者。於補官日。應降調者。照例起送降調。應住俸。降俸。降級。帶罪督催者。俱罰俸一年。○康熙二年。題准。官員催徵錢糧。於未催完之先。被別案降調離任者。俱罰俸一年。○七年。題准。巡撫陞任。不必照舊屬各官。每案降級。照離任官例。每案。罰俸一年。

凡不作分數雜項錢糧。康熙十五年。議准。如核明未完者。降俸二級。帶罪督催。完日開復。如年限內不完者。罰俸一年。仍令督催。○四十三年。覆准。嗣後未完降住罰俸等項銀兩。將原欠現任之員題叅。其上司俱免叅。府屬同知等官未完降住罰俸。將原欠現任各本官職名開報。其知府職名。免其報叅。如知府自有未完。仍行開報職名。至州縣屬。州同縣丞以下雜職官員。如有未完住罰俸銀。亦照府屬一例。將原欠現任各本官職名開報。其知州知縣職名。免其報叅。

如知州知縣自有未完。仍行開報職名。如有離任官員未完銀兩。卽以接任承追職名開報。學租一項。除州縣未完。止叅承追州縣。無容開報督催知府職名。惟江南省江寧常州揚州三府儒學。有徵收學租銀兩。向例奏銷冊內。造於本府項下。今知府既無督催考成。嗣後三府儒學額徵租銀。於奏銷冊內另行開造。如有未完。卽將儒學教官職名開報。至官生空缺一項。亦照此例遵行。○雍正二年。議准。分年追賠拖欠各項銀兩。以一年為一限。計其應追之數。按年均

分。務令按限完交。有不按限完者。現任職員。初限不完。卽行解任。令其同二限銀兩。帶罪完納。如二限內。能將初限二限之數全完者。准以原官補用。如僅完初限銀兩。二限未能全完。仍帶罪追比。或初限旣不能完。二限又不完納。將職銜革去。同三限銀兩。一并嚴追。此三限之內。能將三年分限之數全完者。仍准其開復補用。能完二年分限之數者。復其職銜。帶罪完納。能完一年分限之數者。仍革職嚴追。倘三限均不能完。則將該員交與刑部治罪。所欠銀兩。於家屬

名下嚴追。無官人等。初限不完。監禁。仍同二限銀兩。一并嚴追。如二限內。能將初限二限之數全完者。暫予釋放。如僅完初限銀兩。二限不能全完者。仍監禁追比。或初限旣不能完。二限又不能完。令該旗該地方官。將財產查封。仍同三限銀兩。一并嚴追。此三限內。能將三年分限之數全完者。將本身釋放免罪。財產給還。如能完兩年分限之數者。將本身釋放。家產仍封守在官。能完一年分限之數者。暫免其變產治罪。倘三限俱不能完。卽將財產抄沒入官變賣。本身

交與刑部治罪。其分年多者。總以三限已未完之數。遞等定其處分。如三限俱不能完。則不待限滿。卽行治罪。或年限已滿。計算未完銀兩。在一二限之內。仍照一二限之處分。俱再限一年完納。如一年不能全完。亦卽行治罪。至追比之項。有分二年者。一年不完。照初限例處分。二年俱不完。卽照三限例治罪。倘二年內完一年之數。再限一年。仍不能完。或完不足數。卽行治罪。

大清會典卷之三十三

大清會典卷之三十四

戶部

賦役四

考成下

凡侵那處分。順治九年。題准。錢糧徵解支放。各有款項。若爲公務移緩就急。謂之那移。假公濟私。謂之侵欺。軍興供用。不得已而措用。謂之透支。借端開銷。謂之冒破。令撫按清查追抵。○十二年。題准。凡錢糧那移。查係真正緊急。萬難遲緩者。准其開銷。○十六年。覆准。直省錢糧。每歲底。分造實在民欠爲一冊。官役侵欺爲一冊。○

康熙六年題准。有司將已完錢糧肥已。或那用。假稱民欠。恣行私派者。革職。追比。司道府官失察。降五級調用。督撫徇庇。降四級調用。○又覆准。經徵文武官員。初叅限滿未完。降調革職者。奉

旨卽行離任。另委代署。若本官侵欺。係旗下人。交都統副都統。係民。交督撫。賊重罪至死者。限一年追完。流罪以下。所侵錢糧。限六箇月追完。如限內不完。家產變價入官。○九年覆准。胥役經收管解。令連名互結。如有侵欺。互結者同賠。若經

管者不行取結。亦令賠補。○又題准。司道府州縣等官。將正雜錢糧。擅自那用者。革職。如緊急軍需。不報督撫。私自那用者。降一級留任。俟賠完開復。其存留錢糧。因公那用者。免議。○又題准。侵那錢糧。家產盡絕。遇赦免追。戶部卽行題結。妻子免交刑部。○十年題准。承追侵那錢糧。初次限四箇月追完。逾限不完。降俸二級。帶罪督催。再限一年全完。如仍不完。罰俸一年。○十一年覆准。州縣侵那錢糧。司道府官。本年及次年查出。免議。如遲至三四年始行查出。仍照失

大清會典 卷三十四  
察例議處。○十二年題准。州縣衛所官。乾沒錢糧者。照貪贓例。革職提問。追贓。衙役侵欺。提審追贓。該管官。照縱役貪贓例。革職。如州縣官有乾沒侵欺等情。上司預先不行查出。或據詳代爲開銷者。司道府都司。各降一級調用。督撫。罰俸一年。若前任州縣等官。乾沒。後任官不行查出。或代爲開銷者。各降一級調用。前任官。那移。後任官。不行查出者。罰俸一年。布政司都司。抑勒州縣衛所官。改那錢糧者。照那用正項例處分。督撫不行題叅。照徇隱例議處。其州縣侵那。

司道府官。察出者。無論年分遠近。俱免議。○又題准。州縣官將已徵錢糧。作爲民欠。恣意那用者。革職拿問。司道府官隱匿不報者。革職。如已申報而督撫不行題叅者。降五級調用。○又題准。官員承追侵那錢糧。初限展至一年。○十五年題准。官員承追侵那錢糧。如有家產果盡。不據實詳請豁免。以致各犯父子夫妻分離者。罰俸一年。巡撫罰俸六箇月。○又題准。赦前侵欺錢糧各官。不交吏部議處者。司官罰俸三箇月。堂官罰俸兩箇月。○又題准。凡侵欺錢糧人犯。



大清會典 卷三十四  
州縣官捏報逃亡。及並不起解者。降一級調用。該管上司。罰俸一年。起解遲誤者。州縣官。罰俸一年。該管上司。罰俸六箇月。○又題准。州縣官。將衙役侵欺。捏報民欠。知府遽爲轉報者。罰俸六箇月。○又題准。文武各官。因公私借用庫銀。後仍抵還。未入已者。均降一級調用。○十六年。題准。侵盜錢糧。應發解人犯。未經部題入官之前。全完。或已題未發解之先。全完者。並免入官。○十七年。題准。各省有因軍需刻不容緩。動用錢糧。督撫司道等官。一面咨題。一面動用。若不

候咨題。擅自動用者。各降五級調用。不准開銷。令其賠還。若司道並未申詳。督撫亦未咨題。擅自動用。徑行請銷者。督撫降二級留任。司道降五級調用。若司道申詳。督撫不行咨題。擅自動用者。司道免議。督撫降五級調用。責令賠還。○十八年。題准。凡該管上司。逼勒下屬。那移庫銀。本官自首。審實免議。上司照貪官例治罪。如逼勒至死者。許家屬赴上司具告。上司不行准理。許赴通政司。鼓廳具告。審實。將逼勒者抵罪。不行准理者革職。○又議准。州縣官。將已徵錢糧。

作爲民欠。或那用。謊稱民欠者。革職提問。司道。府。官。隱匿不報者。亦革職提問。督撫徇縱不參者。革職。○三十一年。議准。因公那用。照監守自盜例治罪。○三十九年。

諭。近見各省督撫等。先以官員虧空錢糧米石題參。後以家產盡絕保題甚多。這虧空錢糧米石。作何著落。追取之處。著九卿詹事科道會議具奏。遵

旨議定。嗣後一應錢糧米石。如有虧空。審明是侵是那者。保題之日。俱著落歲底申報保題之各上司

官名下追完。至起解銀兩及漕糧等項。已經起程之後。如有虧空者。將解官運官。審明追取。實係家產盡絕。不能完納者。保題之日。亦均著落該管上司名下追完。如有借端私派於民者。從重治罪。○四十年。覆准。各省收貯錢糧米穀。如私行那用。督撫題參。照例革職離任提問。審出侵盜那用。照例治罪。○又覆准。凡虧空之案。專責藩司。守道。於部文到日。嚴督府州縣各官。務遵四箇月定限。將侵那審明招解。如逾限。揭參遲延後。又滿四箇月。再參遲延。將本管知府。一

并揭叅。俱照易結不結嚴例議處。藩司守道。於限內不據實揭報。以遲延揭報塞責朦混者。亦照易結不結例處分。至各州縣修理城池等項。雖係私捐。仍令通報。如虧空事發。各該撫藩司守道。將私捐修理之項。審作那移正項者。承審官照徇縱例嚴查議處。○四十一年。覆准。凡叅審虧空各官。勒限一年。如果全完。准以原官補用。一年之內。完數及半者。亦准以應得罪名減等定擬。若逾限不完。或係侵欺。或係那移。卽照定例從重治罪。無論已未分家之子。所有家產。

一并搜變賠還。○四十五年。題准。旗員虧空。該旗保題家產盡絕。將虧空之員。入辛者庫。此後查出另有家產隱匿等弊。將保題都統副都統。交部議處。均攤賠補。○四十七年。議准。虧空官員。所有任所從前私蓄。被親友借取。有圖書文約可據者。題明行查追比。抵補欠項。○四十八年。議准。虧空銀兩。審係徵收制錢。往外易銀未回。虧空倉穀。審係浥爛。或借給里民。俱不作侵那。果能叅後限內全完。准其開復。○五十年。議准。官員虧空錢糧。其子現任居官。情愿代父賠

大清會典 卷三十四 六  
還。卽著落伊子任所。按限扣追。完日免罪。○五  
十一年。議准。旗員虧空錢糧。該督撫查明其家  
口。備造清冊解部。交與該旗查追。倘有不肖問  
官。將伊任所貲財嚇索。或聽該犯官隱匿私蓄。  
及將奴僕放出爲民等情。事發。將承問。并造冊  
等官。從重治罪。至該犯歸旗。如有偷賣房地屯  
莊。隱匿財產等情。事發。將該管官。從重治罪。○  
又議准。旗員虧空。該督撫解部。柳責發落。內有  
該犯患病。遞有病呈。或該管旗員等報稱患病。  
驗明。卽交與保出調治。俟病痊日。補行柳責。倘

有無病。謊稱有病。已痊。仍稱未痊。將驗病官及  
保官。從重治罪。○五十九年。議准。州縣虧空錢  
糧。知府從前果有扶同徇隱情弊。別經發覺者。  
將知府叅革。其虧空錢糧。令知府獨賠。○又覆  
准。州縣官恃有上司分賠之例。將庫銀藏匿。假  
捏虧空者。審明是實。著落本犯名下。獨追還項。  
仍照例治罪。○又議准。嗣後州縣虧空錢糧。倘  
知府揭報。而布政司不卽轉揭。或已揭。而督撫  
不卽題叅者。許知府徑報部院。將督撫布政司  
等官。俱照徇庇例議處。仍令分賠。其衛所等官。

七  
虧空屯衛等項錢糧。照虧空地丁例議處。○又  
覆准。嗣後各該督撫。不盡心防範於未虧空之  
前。竭力補苴於虧空發覺之後。將該督撫交吏  
部。照徇庇例議處。仍令分賠完補。○六十年。覆  
准。各省倉糧。令各該督撫逐一查明。勒限三年  
補完。限內不完。嚴加議處。如有虛冒浮開。朦混  
捏報。派累小民等弊。該督撫卽行指名題叅。交  
與該部從重治罪。如徇隱不行查叅。將督撫一  
并嚴加議處。○六十一年十二月。

諭。自古惟正之供。所以儲軍國之需。當治平無事之  
日。必使倉庫充足。斯可有備無患。

皇考躬行節儉。裕國愛民。六十餘年以來。蠲租賜復。殆  
無虛日。休養生息之恩至矣。而近日各省道府州  
縣。虧空錢糧者。正復不少。揆厥所由。或由上司勒  
索。或係自己侵漁。豈皆因公那用。

皇考好生如天。不忍卽正典刑。故伊等每恃寬容。毫無  
畏懼。恣意虧空。動輒盈千累萬。督撫明知其弊。曲  
相容隱。及至萬難掩飾之時。又往往改侵欺爲那  
移。勒限追補。視爲故事。而全完者絕少。遷延數載。  
但存追比虛名。究竟全無著落。新任之人。上司逼

受前任交盤。彼既畏大吏之勢。雖有虧空。不得不受。又因以啟效尤之心。遂借此挾制上司。不得不爲之隱諱。任意侵蝕。展轉相因。虧空愈甚。庫藏全虛。一旦地方或有急需。不能支應。關係匪淺。朕深悉此弊。本應卽行徹底清查。重加懲治。但念已成積習。姑從寬典。除陝西省外。限以三年。各省督撫。將所屬錢糧。嚴行稽查。凡有虧空。無論已經叅出。未經叅出者。三年之內。務期如數補足。毋得苛派民間。毋得借端遮飾。如限滿不完。定行從重治罪。三年補完之後。若再有虧空者。決不姑貸。其虧空

之項。如被上司勒索。及因公那移者。分別議處外。其實在侵欺入已者。確審具奏。卽行正法。倘仍徇私容隱。或經朕訪聞得實。或被科道糾叅。將督撫一併從重治罪。卽如山東藩庫。虧空至數十萬。雖以俸工補足。其實不能不取之民間。額外加派。山東如此。他省可知。以小民之膏血。爲官府之補苴。地方安得不困乎。旣虧國帑。復累民生。大負

皇考愛養元元之至意。此朕斷斷不能姑容者。前日恩詔中。內閣例開列有豁免虧空一條。朕未曾允行。誠恐開貪吏僥倖之端。而於民間究無裨益也。至

於署印之官。更爲緊要。必須慎重簡擇。諺云。署印如行劫。

皇考每言及此。未嘗不恨。署印之人。始而百計鑽營。既而視如傳舍。故肆意貪婪。圖飽慾壑。或取媚上官。供其索取。貽害小民。尤非淺鮮。其於前任虧空。視作泛常。接受交盤。復轉授新任。苟且因循。虧空之弊。終不得清。嗣後如察出此等情弊。必將委署之上司。與署印之員。一併加倍治罪。決不姑貸。○雍正元年。

諭。嗣後凡委署印。應遴選賢員署理。如署印官虧空錢糧。著落遴委之督撫布政司分賠。如有將虧空錢糧。勒逼接任官收受情由。著接任官開列情由。竟報部科。卽行據實奏聞。○又議准。直隸各省督撫。於州縣開徵之始。令該知府遴選賢員。與該管官同封銀櫃。每十日二十日。另委賢員。當衆拆封。立卽起解。其存貯倉穀。按季盤查。出結轉報。如有徇隱情弊。將知府并委員。卽行題參。照徇庇例議處。再。虧空官員。於題參時。一面任所嚴追。一面行文原籍地方。將伊一切家產人口等物。逐一嚴查。造冊存案。如任所無完。卽變價

大清會典 卷三十四  
補完。該原籍地方官。如不行查出。或被旁人首告。或被科道糾叅。卽將原籍地方官題叅。亦照徇庇例議處。○又覆准。各省從前虧空。務令三年完結。如限內不完。或科派民間。或借端遮飾。及三年完補之後。再有虧空。該督撫一并從重治罪。○又議准。各省從前虧空。其有著落銀兩。如有人亡產絕者。該督撫卽照無著銀兩所定年限。補完報部。仍令該督撫。每於歲底。將前項有著無著銀兩。完過若干之處。逐一分晰造冊具題。如照從前怠玩。不盡心催追。每年完不足

數者。卽將各該督撫并司道等官。交與吏部從重議處。○又

論。虧空錢糧各官。若革職留任催追。必致貽累百姓。旣已獲罪革職。豈可留任。嗣後虧空錢糧各官。卽行革職。著落伊身勒限追還。若果還完。居官好者。該督撫等奏明。著通行直隸各省督撫。○又議准。凡虧空留任賠補之官。卽令離任。并查其子有出仕者。查明題請解任發追。完日仍補原官。至從前行追之案。其子現在何省爲官。亦令查明題請離任。不准以過繼掩飾。俟其父虧空完日。



大清會典 卷三十四  
十一  
題請開復。其虧空官員離任後。該督撫揀選才能殷實之員。請

旨補授。若情願捐補。一年內全完。或就本任內代捐補完者。該督撫具題到日。移咨吏部。分別議敘。其原虧空之官。仍限年追還。能於限內全完者。亦令該督撫具題。復還原職。如不完。從重治罪。○又覆准。各省督撫。於所屬有司內。私那錢糧。爲自己捐陞。并子弟納職。缺欠錢糧者。查明卽行題叅。將該員照侵欺錢糧例治罪。其子弟所捐職銜革去。該管上司。不加詳察。通同徇隱。勒

逼接任官收受者。或被科道糾叅。或被受害之人首告。將該管上司官員。無論離任現任。交與該部嚴加議處。其缺欠銀兩。勒令分賠。○二年。諭。朕惟錢糧固屬緊要。而民情尤宜體恤。聞有州縣虧空。百姓情願代賠者。此端斷不可開。虧空之員。未必愛民。百姓貧富不等。斷無闔縣情願代賠之事。或係蠹棍勾連。借端科斂。或不肖紳衿。一向出入衙門。通同作弊。及本官被叅。猶冀復任。因而號召多事之人。連名具呈。闔縣願賠。後官畏懼處分。接呈入手。卽差役按里追呼。名爲樂輸。實係強派。

其爲民累不淺。嗣後紳衿情愿幫完者。聽其自行完納。其有闔縣具呈者。卽將爲首之人。從重治罪。知府州縣擅准。督撫查叅議處。至因公那移之項。依限全完。定例准其開復。督撫題請全完。卽給咨本官。令其隨本引見。驗看可用者卽用。如不可用。以原品休致。其年老及不愿補之人。亦於本內聲明。不必來京。戶部卽行文直省督撫遵行。○又議准。令直省督撫。將各州縣積貯倉穀。孰係本色。孰係折色。并實存本折數目。查明分晰題報。如果無虧缺。及以折色作本色等弊。照元年議准

之例。歲底。出具印結送部。倘有此等情弊。卽行題叅。一面買補還倉。一面著落本犯追賠。至於道府州縣。有當穀貴之時。私將倉穀發賣。或販往穀貴之處糶賣。希得重價。以圖肥己者。地方大吏。有將捐穀不收本色。擅折銀兩。及以所收銀兩。每石三錢。散給州縣。坐派里民買補還倉者。或被旁人首告。或被科道糾叅。將督撫等官。交與該部從重議處。○又議准。布政司係方面大吏。專管通省錢糧。若有虧空。法宜加等。嗣後布政司虧空。無論侵那。俱按侵欺之律治罪。果

能一年內全完。減等發落。如一年內不能通完。卽將本犯正法。仍變家產追賠。若督撫通同徇隱。別經發覺。將督撫革職。仍令分賠。或有督撫勒索。以致虧空。許布政司於未叅虧空之前。開具實跡。徑報通政司轉奏。將該督撫照貪婪例。交與該部從重治罪。其或布政司自有虧空。恐督撫盤查。先行誣報者。審明時。將布政司從重治罪。○三年。議准。令直隸各省督撫。轉飭各屬。如州縣有將此項錢糧。那應彼項者。知府察出。立飭州縣換批。詳明改正。○又議准。嗣後凡州

縣虧空倉穀。卽令接任各官。於秋成穀賤之時。申詳督撫布政。酌動何項錢糧。照時價先行買補。該州縣出具倉收。該管道府。加具印結。一面報部。一面於虧空人員名下。勒限一年。將動用銀兩。照數追補還項。如逾限不完。卽照侵那倉穀定例治罪。仍著本人家產變易還項。○四年。諭。積貯倉穀。關係民生。最爲緊要。朕屢降諭旨。令該督撫等嚴飭州縣。及時買補。昔年虧欠之數。無如苟且遲延。奉行不力。卽如原任直隸總督曾奏稱。各屬倉穀已補足七八分。及今冬發倉賑濟。虧空

大清會典 卷三十四  
甚多。若非截留漕米。發給倉粟。窮民幾至失所。昨據月選官條奏。虧空倉穀。請支動正項買補。一面嚴追本官還項。朕已交與九卿議行。令直省地方。俱定限三年。將一應倉穀。務期買補還足。不得顆粒虧欠。三年之後。朕必特差官員。前往盤查。如有缺欠。定行從重治罪。倘有不能補足情由。著該督撫題奏。凡虧空錢糧。猶可勒限追還。無損國帑。若虧空倉穀。則一時旱潦無備。事關民瘼。非小。是虧空倉穀之罪。較虧空錢糧爲甚。自宜嚴加處分。并著內閣。九卿。確議定例具奏。遵

旨議定。倉穀虧空處分。以穀一石。比照錢糧一兩定罪。嗣後虧空倉穀。係侵蝕入已者。一千石以下。照監守自盜律擬斬。准徒五年。一千石以上。擬斬。監候秋後處決。不准赦免。將侵欺穀石。動支正項買補。著落妻子名下嚴追。係那移者。除數止千百石。照律准徒。五千石至一萬石。照律擬流外。一萬石至二萬石。發邊衛充軍。二萬石以上者。照侵盜例擬斬。其虧空之穀。動支正項錢糧買補。於各犯名下。勒限一年。果能盡數全完。免罪。若不完。再限一年追完。減二等發落。若三

大清會典 卷三十四  
年限滿不能全完。除完過若干之外。照現在未完之數治罪。○又

諭各省虧空。動稱無著之項。夫錢糧未經徵收。則欠在民。既經徵收而有虧空。則欠在官。州縣力不能完。則上司有分賠之例。本人雖已病故。而子孫有應追之條。何得藉口無著。以虛國帑。此皆督撫等瞻徇情面。不肯大破積習者。蓋自存不肖之心。以已身現為督撫。恐將來亦被牽累。故目前預留地步也。從前彌補虧空。皆捐俸工銀兩。及朕有旨不許捐輸俸工。今則皆稱以耗羨抵補。夫耗羨亦出

於民。乃不問當日督撫等所以致此虧空之由。而動稱耗羨彌補。以百姓之脂膏。飽有司之谿壑。豈朕憫惜元元之至意乎。今特沛寬恩。凡各省虧空未經補完者。再限三年。寬至雍正七年。務須一一清楚。如屆期再不全完。定將該督撫從重治罪。如有實在不能依限之處。著督撫奏聞請旨。○五年。諭。向來內外文武官員。虧空甚多。我

聖祖皇帝深知其弊。屢降諭旨。諄諄戒飭。祇以

聖心仁慈寬大。不忍加誅。冀其俊改。乃伊等不知感戴天恩。反至肆行無忌。日積月累。虧空之數愈多。朕卽位

以來念此虧空之項。關係國帑。朕爲天下主。豈能以國家一定之經費。任貪官污吏之侵漁。令小人藐視國法。可乎。且聞貪婪之員。平日侵蝕國帑。而於被叅之後。則將所有貲財。或藏匿於衙署。或送歸於鄉里。或分寄於宗族親黨之家。及接任官查出虧空。則故作貧窶之狀。希冀遷延數年。援家產盡絕之例。以圖豁免。此種伎倆。朕知之甚悉。而內外臣工。條陳此事者亦甚多。是以朕從衆所奏。將被叅虧空之員。查搜其宦囊家產。並及其寄放之處。蓋不欲使貪污之輩。盜國帑。剝民膏。以飽囊橐

也。此輩本有應死之罪。但朕念弊端已久。相習成風。若遽然按律治罪。則誅戮者衆。幾於不教而殺。此心有所不忍。若仍任其溫飽。朕心又所不甘。故令其完補虧項。而復全其身命。此朕仁育義正。用中之大道。而無知小人。妄以爲嚴刻。乃坐井窺天之輩。亦無足論也。朕意原欲暫行二三年。俟天下咸聞朕諭。共知朕心之時。若再有犯者。則按法律治罪。今已曉諭四年。不得謂之不教而殺矣。上年已令九卿酌定條例。嗣後有侵欺虧空之員。則按所定之例治罪。有應正法者。卽照例正法。其搜查

大清會典 卷三十四 七  
宦囊家產。及於寄放宗族親黨之處。應不必行矣。自此諭下之日。俱著停止。伊等若知朕化導保全之恩。盡洗從前侵尅之弊。實伊等之福。亦朕之所深望。若仍執迷不悟。顧費財而不恤身命。亦其自取。不足憫惻。著遵諭行。○又

諭。凡州縣錢糧之虧空。總不出侵欺那移二項。當其侵那之時。官固主之。而經手之經承。自無不知也。乃不及稟阻。且從而慫恿。以便作奸分肥。迨至本官監追。而經承且優游於事外。本官問重罪。而經承僅得不行稟阻之處分。故凡虧空纍纍。多由於

官吏之相成也。朕意以爲經承庫吏。經管倉庫之人。亦宜重其處分之例。更定以勸懲之法。凡州縣官到任。則先揀選殷實老成吏胥二人。以充錢糧總吏。通詳報部。凡徵收錢糧。卽令隨徵報解。不得存留內署。承辦五年。該縣無虧空者。卽將總吏咨部。以九品雜職卽用。本官少有虧空。該總吏力行稟阻。如不聽從。徑赴司院呈明免罪。若該吏不行稟阻。致本官以虧空糾叅。卽將經承一同監追。該經承減本官一等治罪。如此。則經承有所責成。迫於勸懲。不敢順從本官。擅動國帑。亦杜絕虧空之

一法。其如何詳悉定例之處。著九卿會議具奏。遵旨議定。嗣後虧空之案。審係侵欺者。數止一千兩以下。本官照律擬斬。准徒五年。該總吏照雜犯流罪例。杖一百徒四年。其一千兩以上者。本官擬斬監候。遇赦不准援免。該總吏杖一百流三千里。如係那移者。數止千百。本官照律准徒四年。該總吏杖一百徒三年。五千兩以上至一萬兩。本官流三千里。該總吏杖一百流二千五百里。一萬兩以上至二萬兩。本官照侵盜錢糧例擬斬。該總吏杖一百發邊衛充軍。將本官監追。該

總吏監禁。俟本官虧空全完之日。一體分別發落。倘本官少有虧空。總吏稟阻不從。許卽赴司院。或府道。就近據實首明。本官叅處。總吏免罪。○又覆准。晉省虧空。尚有未完銀五十五萬二千四百五十六兩零。除任所承追各官。仍遵照原限報叅外。其分咨原籍承追者。應照送到原冊開單。行令各該旗都統。并各省督撫。以文到之日爲始。限一年內。務將各員原籍什物房地。卽行變價。其分賠并借欠銀兩。速行追完。咨明晉省。仍將完過銀兩數目。報明戶刑二部。并令



大清會典 卷三十四  
晉撫照各員原叅續叅銀兩。合算已未完數目。報部查核。如限內各旗省承追之員。不實力追變者。各該旗該撫立即揭叅。交與該部。照任所承追官一例議處。如房地一時無人承買。卽入官。暫行招租招種。所得租銀。彙解。租糧入倉加謹收貯。分晰報明。仍不時變賣。

凡霉爛倉穀。康熙三十九年。覆准。凡州縣收貯米穀。遇颶風大雨等災。輓運江海飄流。並霉爛者。該督撫題叅革職離任。員缺另補。限一年內賠完免罪。復還原職另補。如逾一年之限賠完

者。止免罪。不復原職。二年之內。如不賠完。仍照例治罪。著落家產追賠。○四十一年。覆准。凡官員將存倉一應米穀虧空霉爛者。該督撫題叅。仍照例革職留任。限一年賠補。賠完免罪復職。如逾限不完。解任。再限一年。賠完。仍准復職。如二年外不賠完者。照定例擬罪。著落家產追賠。○四十三年。覆准。各省州縣虧空霉爛倉糧。實在賠補完日。令該府道卽出實在補完印結。報明督撫藩司存案。倘再有虧空之事發覺。將該道府一併議處。○五十二年。

大清會典 卷三十四  
論霉爛倉穀官員限內賠完仍候原缺補用不得另補別缺。○雍正四年議准嗣後凡地方倉廩倘有滲漏及墻垣木植不堅全之處所需工費無多者該地方官卽爲粘補修整若有年久廩座木料毀爛磚瓦破碎倒塌者該地方官卽詳明上司該上司卽委員查勘確實估計工費一面報部一面動支正項錢糧急行修葺其有地方廩座無多將倉糧寄貯僧寺道院者或有該地方所收糧石並無寄貯之處將米穀露囤者該地方官卽詳請督撫該督撫查勘確實將作何建葺倉

廩之處分晰酌量妥議具題倘有漫不經心之州縣因循怠玩不將倉廩粘補修理不詳請修理葺造以致米穀霉爛者照溺職例革職限一年內照動帑買補銀兩之數賠完如限內不完卽照侵蝕錢糧之例以未完米穀之數依律治罪遇赦不宥倉廩旣經修理猶有託名霉爛虧空者查出之日卽照侵蝕例治罪

凡交盤順治十三年題准官員交代務清查錢糧交盤明白取具甘結方准離任違者不論陞任去任題叅究追。○十四年覆准前官交盤不

清。後官朦混聽其去任。卽令接管官與原任官同賠。○十五年。題准。前任官未完錢糧。果係民欠。令接管官催徵。不得推諉。若前官侵欠。後官不能清查。互相朦蔽者。一體治罪。○十七年。覆准。廳官署州縣印。攫取錢糧。勒令屬官交代。上司徇庇不舉者。一體治罪。○十八年。覆准。州縣官有革職病故者。選委官員署印。若丁憂離任及註誤者。錢糧未完。俱暫留任。俟新官交代。如本任內錢糧全完。不候交代。另行委署。○康熙六年。覆准。州縣衛所錢糧。以欠作完。督撫司府

扶同捏報。許接管官逐項清查。如起解無批。存留無銀。交代時。卽具文直達部科。以憑題叅。○又

諭。凡州縣衛所欠糧降革各官。若令候代。恐復派民。以

後留任候代全完開復之例。永行停止。○十二年。覆准。前任官有侵那拖欠者。署印。新任官交代時。卽通報督撫。上司題叅。如徇隱不報。交代後察出者。罪坐接管官。如已通報。而上司不詳報題叅。徇庇舊官。逼勒受代者。許新任官據實報部。逼勒上司。以徇庇議處。本官赴部另補。○十四

年。題准。布政司新舊交代。務於一月內。造舊管。新收。開除。實在。清冊題報。○二十七年。題准。司庫交代錢糧。如有侵欺虧空等弊。將隱匿不叅之該督撫革職。如督撫有侵欺入已之處。照侵欺例從重治罪。○又議准。州縣虧空。知府不行揭報。反逼新任官出結者。革職。○二十八年。題准。廣東瓊州。距省遼遠。交代之限。於兩月定例外。再展限一月。○又題准。嗣後令各省巡撫。於每年奏銷時。將司庫錢糧。親身盤察。如無虧空。卽於奏本內一併保題。保題之後。仍有查出虧

空者。照新定交盤例治罪。每於歲底。令知府將各州縣經徵。帶徵錢糧。調取比冊詳查。倘有徵多報少。虧空情弊。立行申報藩司巡撫。如徇匿不舉。事發。將知府亦照新定交盤例議處。○又題准。糧驛。二道貯庫錢糧。責成藩司。各府貯庫錢糧。責成各該道。令每年歲底。親身盤查。如無虧空情弊。卽具保結立送巡撫。倘保結之後。仍有查出侵那虧空者。該撫題叅。將藩司。各道。俱照新定交盤例議處。○三十年。覆准。定例內。司庫交代錢糧時。令該督撫親身確查出結。如總

督隔省。路途遙遠。將司庫交代錢糧時。據詳確  
查明白。出結具題。○三十七年。題准。嗣後官員  
交代。不於兩月內查明呈報上司。該撫將因何  
遲延之故。逐一詳查。或虧缺庫銀倉糧。據實題  
叅。將該州縣照侵欺錢糧議處。如止題叅遲延。  
而不申明因何遲延之故。將申詳司道府等官。  
照徇庇例。降三級調用。督撫照含糊具題例。降  
一級留任。○三十九年。題准。直省錢糧。以守道  
督管。將各道庫錢糧。交與守道年底確查。○又  
題准。上司盤查所屬倉庫。例責年底。時限甚迫。

准自次年奏銷以前。秉公親察。據實出結。○又  
覆准。州縣道府。收貯錢糧。於地丁正供。及常平  
倉糧之外。一切雜項錢糧。經手之官。不入考成。  
該上司亦以不在盤查之例。移彼補此。滋弊無  
窮。嗣後令其一并照例盤查出結。○又題准。歲  
底。知府盤查州縣錢糧。應存留者存留。其餘銀  
兩。於三日內起解藩庫。如三日內不行起解。卽  
行題叅。○又覆准。定例。陞任官員。以文憑到日。  
該督撫卽行委署。限兩月內。將任內各事件交  
代明白。准其離任。如本任內有經營未完錢糧

大清會典 卷三十一 四  
盜案。不於兩月內查明呈報上司。違例遲延。及署官。新官。推諉不接者。俱各罰俸一年。上司督催不力。罰俸六個月。如已經申報上司。該管上司。不即轉報。或不即委官署理。俱各罰俸六個月。該管上司。已經轉報。督撫具題遲延者。罰俸六個月。如並無未完錢糧盜案。上司乘隙借端。抑勒遲延者。將抑勒之上司各官。降二級調用。督撫降一級留任。其署官。新官。如有抑勒。亦照此例處分。至陞任後。續起盜案。及未完錢糧。署官不於兩月內揭報。該撫題叅。將本官。每案各

罰俸一年。其任內有侵欺。那移情弊。署官。新官。揭報。該撫題叅。將本官照例議處。至署官。新官。不查明呈報。或司道。府官。不行轉報。或督撫不行題叅。俱照戶部所定。新舊官交代。不明例議處。如陞任官。不候文憑。不與署官。新官。交代明白。即行離任者。將本官降二級調用。若有錢糧盜案等件。未經清楚。上司官。任其赴任者。各降一級調用。督撫各罰俸一年。如陞任者。有各項錢糧冊籍等項。未完。詭稱完結。或假捏印結。申詳上司。或增改投遞者。革職。倘本官冊籍等件。

大清會典 卷三十四  
未交代以前。被衙役燒燬擲水藏匿等情。降一級調用。如任衙役乘機作弊。侵匿銀兩者。革職。凡鹽課錢糧未完離任之官。巡鹽御史等官。亦照此例處分。○又覆准。解任。裁缺。降調。官員。不候交代。擅自離任。及該管上司督撫。聽其離任者。俱照陞員離任例處分。○又覆准。司道。府。州。縣。新舊官交代之時。如前官任內。有侵欺。透冒。那移。墊解。并拖欠未清等弊。署官新官。徇隱不行揭報。交代後始行查出者。罪坐接任官。前任之官不議。侵欺透冒者。照侵欺例擬罪追贓。其

那移墊解者。照那移例議處。○四十二年。直隸守道交盤錢糧。奉

旨。定限兩個月。所有各省藩庫交盤。亦應定限兩個月。○四十四年。覆准。嗣後州縣倉庫錢糧。知府年底盤查出結之後。仍令不時盤查。無論幾時察出。立即報叅。免其治罪分賠。或別案發覺。始行揭報者。仍照舊例治罪分賠。如有不肖知府。需索州縣者。亦許州縣即時通報司道督撫題叅。嚴加治罪。如督撫不行具題。或被科道糾叅。將督撫照徇庇例處分。○五十年。覆准。州縣虧空

大清會典 卷三十四  
錢糧。歷年那新補舊。或借貸掩飾。知府盤查時。確有實數。事發。始行揭報。將虧空之州縣治罪。其歷年盤查之知府免議。○又議准。州縣虧空錢糧。知府止將本年揭報。其歷年虧空。直至題叅之後。始行查出。仍將通同隱匿之知府。照例題叅。○五十九年。覆准。各省虧空錢糧。皆因夤緣餽送禮物所致。發覺之日。與受均著革職。嚴飭督撫照例實心奉行。其有上司逼勒交盤。以致虧空者。許新任官。徑行據實揭報部。院。科。道。衙門題叅。審明。將逼勒各官。照例議處。具揭之

新官。赴部。另於別省調補。○雍正元年。議准。州縣存倉米穀。令各該督撫嚴飭該管各官。核實嚴查。於年底造冊保題。至督撫陞轉離任。將冊籍交代新任督撫。限三個月查核奏

聞。如有虧空。卽行題叅。倘新任督撫徇隱不行。叅出。後經發覺。一併照例議處。仍令分賠。○又覆准。知府盤查倉庫。凡一應禮物。永行禁止。○又議准。嗣後藩庫錢糧。於每年奏銷時。該省有總督者。令總督會同巡撫親身盤查。無總督者。責成巡撫盤查。錢糧無缺。出具印結。於奏銷本內。一



併保題。如有虧空。該督撫卽行題叅。如扶同隱徇。事發。一并從重治罪。照例分賠。如督撫抑勒下司。那借濫動。以致虧空者。該布政司卽照交代不明之例。據實通詳各部院衙門。或具揭密送各部院衙門。據揭奏。

聞。卽將督撫嚴加議處。○二年。議准。直省司道府廳州縣。各官新舊交代。照例於兩月內盤查明白。出具印結詳報。如有督撫逼勒交盤者。許新任官揭報戶部。戶部題叅。交與都察院審明議處。

○又

諭。總督有管轄兩三省之責。或隔二三年。或隔三四年。於題明巡查地方事情之便。會同盤查藩庫。○四年。覆准。知府直隸知州。離任時。除本任內倉庫錢糧。仍照定例限兩月交代外。其所轄州縣一切正雜錢糧。再限一個月。造冊交代。令署官盤查出結。如被署官查出虧空揭報。卽著前任府州。均半分賠。署官亦與新任官造冊交代。如逾限不卽交代。及該管官督催不力者。一并題叅。交吏部議處。○又議准。嗣後州縣交代。除實在民欠外。其有將已徵在官之錢糧。侵蝕虧空。

捏稱民欠。令接任官接受者。接任官卽行揭報督撫。司道該督撫卽行題叅。或督撫。司道護庇離任之員。該管知府。知州。畏慮分賠。因而抑勒交盤者。被抑勒之員。直揭部。科。部。科。代爲陳奏。其揭司道。府。州。等官者。行令各該督撫據實確審定擬具奏。其有干連督撫者。將具揭之員。與前任虧空之員。俱押赴來京。交都察院查審明確。將抑勒之督撫。一并從重議處。或係誣捏。揭。將誣捏。枉揭之員。交與刑部加倍治罪。倘前官虧空。後官瞻徇。容隱不報。出結接受者。將欠

項坐後官賠補。及已經接受。至本身離任之時。有虧空未清。稱係前任虧空者。將欠項追賠外。仍治以瞻徇私受之罪。其出結之員。後經調任他省。該管上司有因該員從前揭報之故。多方搜求。借端誣陷者。許該員於都察院呈辯。果係叅處冤抑。將該上司交部議處。如該員本有應得之罪。借從前揭報之名。誣捏呈辯者。於本罪之外。加倍治罪。○五年。覆准。凡倉糧多至五萬以上者。報明上司。於交代定限之外。展限一個月。○又

諭直隸各省倉穀。若有前任官折價存庫者。不許新任官接受交代。仍令前任官買穀交倉。不許顆粒短少。其該管上司。亦不得徇情寬縱。如有故違者。將本官及該管官。分別從重治罪。○又

諭。凡屬新舊官員交代遲延。大約由於舊官案件不清者多。而由於新官勒索者少。若新舊一例處分。未為允協。著九卿分別定議具奏。遵

旨議定。凡督撫核叅交代遲延。即將情由詳細確查。如果係舊任官希圖掩飾。不於兩月內。將任內錢糧等項徹底清白造冊。交送新任官。則遲延

之咎。專在舊任官。與新任官無涉。該督撫即將舊任官因何遲延情由。明白開註指叅。將舊任官照例罰俸一年。新任官免議。如舊任官。至限期將屆。始將冊籍造送。新任官。又不即上緊查核。以致遲延。則其咎固在舊任官。而新任官亦難辭責。該督撫將此情由。亦行分別註明指叅。將舊任官照例罰俸一年。新任官罰俸六個月。如舊任官已徹底造冊送交。而新任官推諉不接。以致遲延者。該督撫即將情由註明指叅。將新任官照例罰俸一年。舊任官免議。其督催不

力之上司。仍照定例議處。

凡開復。順治十四年。

諭。錢糧考成各官。近來叅處降調紛紜。新舊交代。反誤催徵。以後因錢糧議降調者。俱令帶降級在任追徵。完日開復。該督撫每季彙題。○十八年。覆准。錢糧議處官員。於未離任前。催徵全完。准與開復。至後任官代徵完者。不准。○康熙六年。題准。有司叅後續完錢糧者。該管官一面給批收。一面申報督撫。題請開復。如該管官遲延不報。借端駁查留難者。聽督撫指叅。督撫不卽具題者。一并議

處。○十二年。題准。凡已叅未經離任之官。於接任。并署印官。未到之先。將拖欠在民錢糧催徵全完者。仍准開復。○十五年。題准。有司叅後續完錢糧。該管官不爲詳報。或不應開復之官。申請開復者。俱罰俸一年。巡撫罰俸六個月。或重報開復。及遺漏續完各官職名者。俱罰俸六個月。○又議准。官員未完錢糧。或奉蠲免恩旨。或叅後續完。該部查明應開復各官職名。具題銷案。移咨吏部。停其議覆。○五十二年。

諭。虧空開復官員。仍補原缺。○五十六年。覆准。嗣後虧

空案內。如果係民欠。捏報全完。或私借倉糧。捏報無欠。除私借之員。照原律治罪。其捏報官員。照虛出通關鈔律。計所出之銀數。并贓。以監守自盜論。其實在民欠。著落原籍之人完納。其那移有抵。卽令接任官催徵。若捏報私借之項。該員情愿一年內代民全完。准其復還原職。○五十九年。議准。州縣虧空。如係因公那用者。該督撫於初叅疏內。聲明緣故。將本官革職留任。勒限填補。少者限一年。多者限二年。或三年。限滿全完。其旣叅虧空之州縣。若審明是那非侵。能

於一年內全完者。亦照例准其開復。其霉爛倉穀。不論在任解任。以及分賠之知府。果能於一年內全完。准其一體開復。○雍正二年。

諭。凡官員虧空錢糧倉穀。該管上司。失於盤查。自應革職分賠。但定例虧空官員。審無侵欺入已之項。勒限一年內。賠補全完。准以原職補用。而失察革職之上司。反不得與本官一體開復。似屬可憫。嗣後虧空銀穀。限內全完。例應開復者。該督撫查明原叅失察之上司。一并題請開復。○三年。議准。嗣後州縣虧空。審明確係知府徇隱獨賠之項。將

大清會典 卷三十四  
知府革職離任。本犯擬罪監追。卽將本犯任所財物。及原籍家產搜查。勒限一年賠補。無論本犯完補。或知府協同完補。但能於限內全完。係侵欺之項。本犯擬死罪者。照例減二等發落。擬軍流徒杖者。照例釋免。係那移之項。至二萬兩以上者。本犯照例釋免。未至二萬者。本犯照例准其開復。其徇庇之知府。亦照二年八月內上司與本官一體開復之例。俱准開復。如一年限內。無論侵欺那移。本人家產。不能完補。卽將本人照現在未完之數。治罪發落。其未完銀兩。照

數著於徇隱之知府。勒限一年完補。若能於限內全完者。准其開復。如不完。再限一年完補。若能於二限內全完者。將伊原職降一級調用。如二限內完不足數者。再限一年完補。若能於三限內全完者。將伊原職降二級調用。如三限內不完。卽將知府家產搜查變補。雖賠補全完。亦不准其開復。如遇分賠之項。亦先在本犯名下。勒限一年追補全完。將本犯分別侵那。照例發落開復。如限內本人止完一半。例得開復者。仍照例俟知府全完之日。俱准開復。如本犯限內



全無完補。及不足一半。仍照例。將本人監追。照依原虧之數。令知府分賠一半。其知府分賠一半銀兩。勒限一年賠補。如全完者。准其開復。如不完。再限一年。若能於二限內全完者。准其開復。於補官日罰俸一年。如二限內完不足數。再限一年。若能於三限內全完者。照伊原職降一級調用。若三限不完。及本犯名下應追銀兩未完者。俱不准開復。未完銀兩。仍著落伊等名下分賠。

大清會典卷之三十四

文政三

大清會典卷之三十四

三

